



QUÆSTIO MEDICA,

Quodlibetariis disputationibus manè discutienda in Scholis Medicorum, die Jovis vigesima Februarii 1710.

M. JACOBO-SIMONE GILLES DE LA RIVIERE,
Doctore Medico, Præside.



An Asthmatis Aquæ Thermales?

I.

VIT A cùm definiatur caloris in humido permanſio; hujus proprium eſt quòd vivamus, reſpirationis verò quòd acceptam ſemèl vitam foveamus: facilitas reſpirandi perennitèr cupienda; difficultas contrà, vel ceſſatio pertimeſcenda: heu! quàm tamèn miſera humanæ fortis conditio; pro leviori mentis aut corporis motu ſtatim anhelii ſumus; verùm ab iſthàc anhelatione noli expaveſcere; talem à motu inductam ſpirandi difficultatem quies ſedat: de illà tantùm curare debes, quæ à naturali ſtatu videtur recedere; adeò uſquè, ſi parva & frequens ſit reſpiratio cum ſtertore ac ſibilo, ob aſperæ arteriæ, ejusdem bronchiorum obſtructionem compreſſionemve, veri Aſthmatis nomenclaturam credas; cujus curæ nemo ſanæ mentis incautus eſſe debet: huiusce mali fomites cauſas vis inquirere; non alibi quàm in iſtis pulmonibus perveſtigandæ, quorum canaliculi bronchiales ſimill cum veſiculis, flatibus rarò, crudis nonnunquam tuberculis, craſſis ſæpiùs, viſcidis, ac glutinoſis ſuccis, gravantur, obturanturve; ex illorum autem animadverſione, quæ ſit ſignis atque aſſectuum partium naturâ, omnis decernitur curandi methodus, ſacili convenientium medicamentorum negotio procuranda: igitur ſtatus ſint aut tubercula, quæ anhelationem efficiant; diſcutientibus exſiccantibuſve utaris velim: ſi craſſi contrà, viſcidi, ac glutinoſi humores; remedia adhibe liquida potiùs quàm ſicca, quæ eoſdem attenuando, incidendo & detergendo valeant exhaurire; niſi inſtet ſtato temporis intervallo recurrens paroxiſmus: tunc enim phlebotomiâ, cucurbitularum applicatione, enematis, aliſque revellentibus imminens ſuffocatio vitanda.

II.

ASTHMATIS tres assignantur species; prima, levioris momenti, vocatur Dyspnœa, in quâ difficilis eſt tantùm reſpiratio abſquè ullo ſymptomate; ſecunda, idem Aſthmatis nomen retinet, in quâ difficilior redditur, ſine febre tamèn, ſed cum ſtertore & ſibilo; tertia, Orthopnœa nuncupatur, in quâ difficillima ſit; adeò ut ægrotantes non niſi erecti

cervice atque hianti ore spirare possint : Asthma solùm & Orthopnœa hic locum habent : communiter dicuntur morbi , mulieribus quàm viris , senibus quàm juvenibus magis familiares ; ambos pariunt sapissimè lenti , pertinacisque succi , vias , itus , reductusque aëris intercludentes ; cruda etiam non rarò tubercula , congestionum soboles , quæ licet ægros lecto non affligant , doloribusve discrucient ; ex his tamen non minus impendet periculum : hæc pulmonum vasis adnata bronchiales ductus mole suâ premere pro certo habere debes ; tùm ex ipsâ anhelatione , tùm ex pulsu omninò inæquali ac intermittente ; crassorum contra viscosorumque humorum , quibus præ cæteris pulmonares vesiculæ infarciuntur , *τῆς καρπῆς* adest : dùm inter respirandum sibilus unâ cum stertore auditur : horumce affictuum fidelem assecclam esse catarrhum , quis inficias irè potest ? Hunc à glandulis in palato laringe & trachæ à disseminatis depluere , importuna vehemensque tussis ; à vasis verò majoribus febris & palpitatio satis probant . Utrumque simul exoriri patet ex subitâ *ῥόσσησις* summam pectoris angustiam inferente . O fortunate æger ! cui periclitanti solers ac prudens Medicus , citò , tutò & jucundè auxiliatrices manus dederit ; serò atque difficulter medicinam parabis , cùm humores spissiores facti , vasis ita impinguntur , ut non nisi maximo negotio averruncari possint ; seriùs adhuc si vires excussioni amplius non sufficiant : tunc enim (miserabile dictu) à tussi periculum magis quàm salus imminet pulmonibus ; valido siquidem , licet inani concussu , quo thorax , pulmoneſque quassati fatiscunt ; fluxio adaugetur ; expectorationis opus unicam salutis spem , inchoare videtur naturâ , nusquam verò perficere .

III.

ETELLURIS gremio quæ vi ignis subterranei accensæ scaturiunt Aquæ , mineralium aquè ac metallorum facultatibus imprægnatæ , Thermales solent nuncupari : ex iis quædam ferventes sunt , aliæ calidæ , nonnullæ verò tepidæ , pro majori aut minori caloris gradu ipsismet aquis per fermentationem inducto , ex variâ principiorum quibus constant fossilia , permixtione ; talem præterea inter se , & à cæteris aquarum speciebus distinctionem habent ; at aliæ , verbi gratiâ , nitri , salis , vitrioli , aluminis , sapore præditæ sint : aliæ verò ferrum , æs sive cuprum , sulphur , plumbum , bitumen redoleant : verùm ad quid & tot diversarum rerum suppellex & *συμπλοκή* ; nisi ut præsentaneum resultet ad profligandos morbos remedium , quod quidè ut relinquere grande nefas , sic indiscriminatum adhibere perniciosissimum : in ferventes aquas nemo ausit labra , nudumve corpus immergere ; multis tamèn earundem vapor & limus levamen asferunt ; calidas etiam externæ respuunt partes , internas autem mirum in modum recreant ; tepidas deniquè forinsecus tantùm admittere proficuum est ; supremum contra plures , eosque pertinacissimos affictus medicamen Aquæ Thermales . Omni sanè alio si non efficacius credas ; præsentius salutem ac jucundius debes prædicare : Petis sudorifera , ad movendos sudores nihil aquè præstat ac præfervidus earundem vapor seu halitus ? Vis

excitare transpirationem, fluxiles reddere humores, contractos artus restituere, debiles roborare; hæc omnia (bonis ægrotantium rebus) adimplere repens balneum; refrigeratas partes calefaciendi, induratas emolliendi, vacillantes firmandi occasio se præbet. Aquarum Thermalium sotu, harum luti incrustatione, earundemque stillicidio seu irroratione opus illud perficies: humores tandem cujuscvis generis, crassos videlicet attenuare, lentos incidere, tenaciter adhaerentes detergere, sputationem liberam promovere, partes ferè omnes, præsertim pulmones importuno hinc & illinc affluxu debilitatos, inque suis functionibus languescientes reintegrare oportet; ad has tam salubres Aquas (velut ad sacram anchoram) velis citò confugere: illarum potus interiora jugiter abluit: magis quàm acetum & mel facultatem habet abstergendi atque incidendi: viscerum obstructions referat, referata plus satis aut immoderata ad pristinum symmetriæ statum reducit; uno dicam verbo, debaccantium huc & illuc humorum ferociam coercendo, demulcendove copiosioreni simul spirituum animalium promoveret emanationem, quorum accessu brevi recreantur omnes partes, naturalemq; assequuntur tonum: quid plura? Non prius corporis penetralia subiit porus ille, quin liberam statim liberalemque simul omnis generis excrementorum videas dejectionem, per sudores, aut urinas, alvi fluxum, aut anakatharsim.

I V.

MINERALIUM ut & metallorum supellestem totam noli dicere inutilem, vel naturæ nostræ inimicam. Eorundem vires & usus in arte medendi satis probant, variæ quæ ex his sunt præparationes, tam Chymicæ quàm Galenicæ: inter metalla minium, verbi gratiâ, cerusa, sal, balsamum Saturni, aliaque id genus plumbi effecta, cancris, vulneribus, & fissuris profunt maximè resolvendo atque exsiccando; æsustum, crocus ejusdem vel ærugo fistulas ac ulcera detergendi, atque ad cicatricem promovendi vim habent apud Chirurgos notissimam: ferrum tandem metallicæ familiæ saluberrimum quis non fatebitur? etenim particulis salino-sulphureis atque alkalinis constans, ad tollendas obstructions (morborum ferè omnium causas) rectè conducit: ex mineralibus autem sal, viventium æquè ac mortuorum salus, appetitum dicitur excitare, cibi fastidia, nauseasque amovendo; quanta sit in nitro facultas attenuandi, incidendi, & aperiendi, vulgo Medicorum satis patet; sulphur affectuum pulmonarium (quasi antidotus) humorum putredini resistit, vique suâ exsiccante similis ac balsamica, Asthmaticis, Catarrhisve aut Phrysi laborantibus evidentè auxiliatur; *ὑγρασία* humiditatum hostis insensibilissimus, dura emolliendi, superflua discutiendi, humoresque viscidos ac tenaces abstergendi vim habet. Optimum quidem Asthmatis levamen, maximè si ejusdem vaporibus unâ cum sulphuris, salis, vitrioli, aluminis, nitri, particulis, gravida sunt Aquæ Thermales: pletosque ægrotantium, Asthmaticos præsertim cujuscvis sexûs, ætatise (solis exceptis infantia & senectâ) salubriter se habere earundem potu constat inter omnes: nemo tamen ausit ad has ac-

cedere, nisi bellè præparatus, benignaque Veris, aut Autumni tempestas existat. Verùm qui secùs se geret, temeritatis suæ pœnas dabit. Similiter puniendus veniet, qui statim à potu balneum intrare, aut alterutrum crudo plenoque ventriculo aggredi voluerit.

V.

ASTHMATI curando non pauca subveniunt præsidia; scèlicet celebratur venæ sectio, habità priùs ratione morbi, ætatis, virium, & temperamenti. Crebrò injiciuntur enemata, quibus cum attenuante victu vomitus aliquoties, sæpiùs blanda Catharsis debet succedere: verùm intèr alia palmam merentur Aquæ Thermales; Plethoram duntaxat, vèl suffocationis metum tollit Phlebotomia. Crassorum tantummodò intestinorum balnea, sunt clysteres. Vomitus tandèm, & blanda Catharsis, solas ventriculi, alvinarumque partium spurcicias valent abstergere; causam verò morbificam nullatenùs expugnant: solus itaqùè Aquarum Thermalium usus utramque implet paginam. Ægros consequentèr à tam gravi affectu liberare potest. An non calefaciendi, attenuandi, incidendi, digerendi, aperiendi, ac detergendi amplo satis apparatu instructæ sunt illæ Aquæ: egregium sanè munus cujuslibet temperamenti Asthmaticis à naturâ oblatum, Aquæ Thermales; præ cæteris efficaciam habent in potu, tùm ob blandum halituosumve calorem ipsis insitum, tùm ob benignos sulphuris & bituminis quibus jugitèr turgescunt, vapores; tùm deniquè ob particularum salis v. g. nitri, aluminis, vitrioli, quæ imprægnantur tenuitatem quoquò versùs ad penetrandum aptam, Asthmatisve mineram seu fontem resolvendum, exsiccandum; adeò ut verum sit dictu, non minùs tutum ac salutare Aquis Thermalibus uti in Asthmate, quàm hoc affectu laborare perniciosum.

Ergò Asthmati Aquæ Thermales.

DOMINI DOCTORES DISPUTATURI.

M. Andreas Cressé.

M. Joannes Gelly.

M. Ludovicus Labbé.

M. Armandus-Josephus Colot, Chirurgia Professor.

M. Claudius Burlet, Regis Hispaniarum Medicus primarius.

M. Josephus Thomasseau.

M. Philippus Caron.

M. Alexander-Petrus Mattot.

M. Ludovicus Poirier, Serenissimi Ducis Britannia Medicus primarius.

Proponebat Parisiis ANTONIUS GEOFFROY,
Balneolensis, Baccalaureus Medicus. A. R. S. H. 1710.

Typis Viduæ Francisci Muguet, Regis & Facult. Medicinæ Typographi.